

STJÓRNARTÍÐINDI B 38 – 1989

26. maí 1989

489

Nr. 263

GJALDSKRÁ

fyrir þjónustu á vegum Heyrnar- og talmeinastöðvar Íslands.

Fyrir hverja lækniSSkoðun og heyrnarrannsókn greiði sjúkratryggður kr. 630,00. Elli- og örorkulífeyrisþegar greiða kr. 215,00. Undanþegnir þessu gjaldi eru allir nemendur Heyrnleysingjaskóla Íslands svo og börn og unglingar að 18 ára aldri, sem reynast það heyrnarskert að þau þurfi á heyrnartæki að halda.

2. gr.

Fyrir hverja rafhlöðuúthlutun (6 stykki) greiða Elli- og örorkulífeyrisþegar kr. 100,00. Aðrir greiða að fullu nema börn og unglingar, sem eru undanþegin gjaldi sbr. 1. gr.

3. gr.

Gjald fyrir hverja heyrnarrannsókn á vinnstöðum fer samkvæmt samkomulagi við aðila vinnumarkaðarins. Þau skulu þó ætíð standa undir öllum kostnaði stöðvarinnar við þessar mælingar.

4. gr.

Heyrnar- og talmeinastöð Íslands annast innheimtu gjalda samkvæmt gjaldskrá þessari.

5. gr.

Ofangreind gjaldskrá, sem ákveðin er með heimild í 7. gr. laga nr. 35/1980, um Heyrnar- og talmeinastöð Íslands, öðlast þegar gildi frá og með 1. júní 1989 að telja. Jafnframt fellur úr gildi gjaldskrá nr. 84/1988.

Heilbrigðis- og tryggingamálaráðuneytið, 26. maí 1989.

Guðmundur Bjarnason.

Jón Ingimarsson.

26. maí 1989

Nr. 264

REGLUGERÐ

**um breytingar á reglugerð um greiðslur sjúkratryggðra samkvæmt
lögum um almannatryggingar nr. 67, 20. apríl 1971
með síðari breytingum.**

1. gr.

Greiðslur sjúkratryggðra til samlagslækna.

Samlagsmenn í sjúkrasamlögum skulu greiða samlagslækni sínum eða lækni er í hans stað kann að koma samkv. samningum hlutaðeigandi samlags kr. 190 fyrir hvert viðtal á læknisstofu og kr. 350 fyrir hverja vitjun lækni til sjúklings.

B 36

Ríkisprentsmíðjan Gutenberg

Þar sem samið er um greiðslu læknishjálpar fyrir hvert unnið verk dregst þetta gjald frá umsömdu gjaldi fyrir viðtöl og vitjanir.

Í vitjunargjaldi eru innifaldar kr. 80 vegna óhjákvæmilegs ferðakostnaðar samlagslæknis og dragast þær frá umsömdum eða ákveðnum ferðakostnaði samlagslæknis eða flytjenda hans þegar reikningur er greiddur til samlagsmanna, er njóta lækniþjónustu, sem byggist á samningi við heimilislækna.

Vegna krabbameinsleitar á heilsugæslustöðvum og hjá heimilislæknum (legstrok og mynd af brjóstum) skal greiða kr. 630 fyrir hverja komu, sem renna til Krabbameinsfélags Íslands vegna úrlesturs frumusýnis, röntgenmyndar og leitarstarfsins. Félagið endurgreiðir læknum í samræmi við gjaldskrá Læknafélags Íslands um hópskoðanir vegna krabbameinsleitar. Elli- og örorkulífeyrisþegar greiða kr. 215.

2. gr.

Greiðslur sjúkratryggðra á lyfjakostnaði.

3. gr. reglugerðar nr. 289/1982 orðist svo:

Af öðrum lyfjakostnaði en um getur í 2. gr. er greiðslutilhögun svo sem hér segir:

Fyrir hverja afgreiðslu (ordination) samkvæmt Lyfjaverðskrá I og II greiðir samlagsmaður fyrstu 550 kr. en sjúkrasamlagið það sem vantar á fullt verð. Elli- og örorkulífeyrisþegar skulu greiða kr. 170 fyrir hverja afgreiðslu.

Með afgreiðslu (ordination) er hér átt við lyfjamagn er svarar til 100 daga notkunar, miðað við notkunarfyrisögn læknis. Sé ávísað magn meira en nemur 100 daga notkun, ber samlagsmanni að greiða eitt gjald, sbr. 1. málsg. fyrir hvert 100 daga tímabil eða brot úr því.

Ákvæði þessarar málsgreinar taka aðeins til lyfja til inntöku í afmældum lyfjaformum (töflur, hylki, skammtar), stungulyfja og lyfjaforma til inntöku, þar sem engin tvímæli eru um skömmtunarmagn (mixtúrur, dropar), en ekki til húðlyfja, öndunarfæralyfja ne' augn- og eynalyfja (ATC-flokkar, D, R og S).

Sé heildarverð viðkomandi lyfs jafnt og/eða lægra en þau mörk er um getur í þessari grein, greiðir samlagsmaður það verð.

3. gr.

Greiðslur sjúkratryggðra fyrir sérfræðihjálpi, í rannsóknnum og röntgengreiningu.

Greiðslur samlagsmanna fyrir sérfræðilæknishjálpi, rannsóknir og röntgengreiningu, sem um ræðir í 43. gr. laga nr. 67/1971, skal vera sem hér segir:

1. Samlagsmaður skal greiða kr. 630 fyrir hverja komu til sérfræðings.
2. Samlagsmaður skal greiða fyrstu kr. 630 hverrar rannsóknar hjá rannsóknarstofu eða sérfræðingi.
3. Samlagsmaður skal greiða fyrstu kr. 630 af kostnaði við hverja röntgengreiningu.
4. Elli- og örorkulífeyrisþegi skal greiða kr. 215 í hvert skipti, fyrstu 12 skiptin árlega, en síðan ekkert.

Þessar greiðslur skulu dragast frá umsömdu eða ákveðnu heildarverði á læknishjálpi, rannsóknnum og röntgengreiningu, þegar reikningur er gerður til sjúkrasamlags fyrir þessa þætti.

Aldrei má krefja sjúkling um nema eina greiðslu fyrir hverja komu og skiptir ekki máli hve margar tegundir rannsókna ásamt viðtali er um að ræða.

4. gr.

Greiðslur sjúkratryggðra á kostnaði við sjúkraflutninga.

1. gr. reglugerðar nr. 94/1983 orðist svo:

Hámarksfjárhæð sem samlagssjúklingur skal greiða fyrir sjúkraflutninga á sjúkrahús og frá sjúkrahúsi skv. 1. mgr., staflíð i, 43. gr. laga nr. 67/1971, sbr. lög nr. 54/1982 er kr. 1 900.

5. gr.

Greiðslur sjúkratryggðra í ferðakostnaði innanlands.

4. gr. reglugerðar nr. 70/1982 orðist svo:

Endurgreiðsla sjúkrasamlaga.

Sjúklingur skal framvísa læknisvottorði eftir hverja ferð. Eftir að önnur ferð er farin endurgreiðir sjúkrasamlag fyrstu ferð að frádregnum kr. 1 770 en síðari ferðir að frádregnum kr. 885. Til endurgreiðslu reiknast fargjald eins og það er með venjulegum áætlunarferðum á hverjum tíma. Ef ætla má, að raunverulegur ferðakostnaður sé lægri, skal miða við hann.

6. gr.

Tryggingastofnun ríkisins skal kynna almenningi efni þessarar reglugerðar rækilega.

7. gr.

Reglugerð þessi, sem sett er skv. 43. gr. laga um almannatryggingar nr. 67, 20. apríl 1971 með síðari breytingum, öðlast gildi 1. júní 1989. Jafnframt fellur úr gildi reglugerð nr. 308, 22. júní 1988.

*Heilbrigðis- og tryggingamálaráðuneytið, 26. maí 1989.***Guðmundur Bjarnason.***Jón Ingimarsson.***AUGLÝSING**

**um breyting á auglýsingu nr. 154 1963 um skiptingu Reykjavíkur-
prófastsdæmis í sóknir og prestaköll, með síðari breytingum.**

Að fengnum tillögum safnaðarráðs Reykjavíkur samkvæmt ákvæðum 2. gr. 1. tölul. laga nr. 35/1970, um skipan prestakalla o.fl. og samkvæmt meðmælum biskups Íslands, eru eftirfarandi breytingar gerðar á skiptingu Reykjavíkurprófastsdæmis í sóknir og prestaköll, sem ákveðin var með auglýsingu nr. 154/1963 og síðari breytingum nr. 189/1967, 71/1968, 143/1971, 74/1972, 234/1973, 57/1975, 285/1980 og 217/1987.

Á eftir 24. tölulið (Hjallaprestakall) komi einn liður er orðist svo:

25. Grafarvogsprestakall:

Grafarvogssókn. Sóknin afmarkast af Elliðaám og Vesturlandsvegi að sunnan- og austanverðu og borgarmörkum Reykjavíkur að öðru leyti.

Önnur ákvæði auglýsingar nr. 154/1963 breytast í samræmi við auglýsingu þessa.

Sóknargjöld 1989 innheimtast með tilliti til ofangreindra breytinga.

Auglýsing þessi tekur gildi 1. júní 1989.

*Dóms- og kirkjumálaráðuneytið, 25. maí 1989.***Halldór Ásgrímsson.***Anna G. Björnsdóttir.*